

Wann erstlich der Leib des Menschen zuvor durch gebührlisches Purgieren / Schwitzen / Aderlassen: c. (jedoch verstehe alles nach erheischender Naturfft) wol gereiniget worden / so erzelgen diese Artgen von ihre geschwinde nutzbare Wirkungen: c.

De Liquore vnd Essentia Matris Perlarum

præparatio.

Der Liqueur vnd auch die Essentz auß der Perlenmutter werden ebener massen / gleich wie von den Perlen geschicht / præpariret vnd bereitet / jedoch muß die Perlenmutter (wann man sie zu diesen arbeiten einrichten wil) von aller ihrer schmutzigkeit (als wie von Perlen auch vnterzichet) mit reinem Wasser außgesorten / getrocknet / hiernach geschabet oder zerstoßenseyn / vnd wann nun Chymischer weise gar fleißig vnd gerecht die Perlenmutter in ihren Liqueorem oder in ihre Essentz, bereitet ist worden / so hat man fürtreffliche Medicinen / beydes zu genesung vnd verhütung vieler Kranckheiten vnd Gebrechen / wie von den Perlen meldung geschehen ist / vornemblich aber derer / welche folgen:

Virtutes & Usus Liqueoris vnd Essentiæ

Matris Perlarum.

Für vielen andern Arzneyen / haben sie (als vna specificam oder sonderliches kräftiges Mittel) den vorzug / die Mutter der Weibes Personen zu stercken / zur empfängniß Mänliches Samens / vnd der Fruchtbarkeit / gewaltig zu befördern / auch den Männern in lue venerea fort zuhelffen / item / wie die Schwindsucht / Darre vnd abnehmen des Leibes / vnd in den Fiebern / auch gegen den zuschlag des hitzigen Fiebers / sehr nützlich zu gebrauchen / Sie werden administrirt in der Gestalt vnd der dosi, gleich wie hiernorm von den Perlen angezeiget ist / als ein halbes / ja nach Belegenheit auch wol ein ganzes scrupel auff einmal.

T R A C T A T U S N O N V S.

Vom Algt: oder Börnstein.

Der Ststein oder Börnstein ist jederman genugsamb bekandt / woher er aber köme vnd was er sey / vnd woraus er entstehe / davon haben die Alten gar wunderlich Philosophirt, seltsame Dreume vnd Gedichte herfürgebracht / die dem weitlenfftig zu erzehlen / des gleichen mit bestande zu widerlegen / allhier zu lang fallen würden. Zu denen so ist es mein propositum auch nicht / lassen vns aber daran wol genügen / daß wir nunmehr auß beständigen Gründen / als vom Augenschein etlicher Derther / da man den Börnstein erstlich habhaftig wird / vnd das auch hochgelehrte Leuth davon geschrieben / vnd es genugsamb dargethan haben / wissen / daß er auß der Erden entsprißet / nicht anders als ein feistes / gesaubertes subtils Bergharz / doch vnter irdische temperirte wärme / von seinen groben vnpainen

De